



### **In Gésturi is cartellus turísticus nous**

Gràtzias a su progetu "Discover Marmilla" e a s'Unioni de is Comunas, e cun s'agiudu de su consórtziu turísticu "Sa Corona Arrùbia", su Comunu de Gésturi at postu unus cantu cartellus turísticus nous.

Unu cartellu mannu s'agatat in sa Pratzza de su Cumunu, acanta de s'Infopoint (s'Ufítziu Informatzionis), e tenit una mapa de Gésturi cun sa descritzioni, in italianu e in ingresu, de is prus

famaus situs turísticus de sa bidda. In prus, ddoi at unu cartellu po donniuna de is localidades inditadas in sa mapa.

In dónnia cartellu ddoi at unu QRcode, su códixi a líneas a duas dimensionis (est a narri, de módulus nieddus aintru de unu quadrau biancu) chi si podit incuadrai cun su telefoneddu, chi serbit po bisitai in sa retza su situ *marmilla.web*, aundi is turistas podint iscoberri is nobas chi pertocant is eventus de importu, is atrativas e totu is servítzius chi donant is Comunas de su territóriu.

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.